

JESUS ETA TOMAS

1

“Jesus ei dala berbiztu,
 ikusi eta sinistu”...
 Fede-bidean orduan ta gaur
 bada hainbeste harrisku;
 dudak argitu eta sinisten
 Tomasek lagundu beisku.

2

“Baietz, Jesus biztu dala,
 beragaz egon dirala”
 Baina Tomasek dana ukatu
 ikasleek esan-ahala;
 “Neuk neure begiz ikusi eta
 eskuz ikutu daidala”.

3

Handik zortzi egunera,
 ikasle danak batera:
 ate-leihoak itxita egon
 eta Jesus blast aurrera...
 Ai gure Tomas hau ikusita
 dardarka ta buruz behera!

4

“Erdu, Tomas, ta ikutu,
 ikusi ta ezagutu”
 “Ene Jaun eta ene Jainkoa”!
 Tomas ahuspez eta mutu.
 Bere lagunei sinistu ezaz
 bai mila bider damutu!

5

“Ez izan hain burugogor,
 eta bai gizon siniskor.
 Ikusi eta ikutu behar,
 ta zer meritu dago hor?
 Hutsean Nigan sinistedunak
 zorioneko ta jator!”

6

Sinistu nahi ta ezina,
 alperrik da ahalegina!
 Dohaia da Zeuk maitasun hutsez
 nahi dozunari egina;
 Zu nor zarean Zeuk esaidazu,
 ni ez bai naz zure dina.